

INUIT ATAQATIGIIT

Inatsisartuni



UPA 2019/ 189
13.05.2019
Mikivisuk Thomassen

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalernissaannik pisariaqartitsinernik periarfissanillu Naalackersuisut peqquneqarnissaannik Inatsisartut aalajangiiffigisassatut siunnersuut. Misissuineq ukioq 2019 naatinngagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.

(Inatsisartunut ilaasortaq, Doris J. Jensen, Siumut)

Siullertut Inuit Ataqatigiinniit siunnersuuteqartumut qujavugut saqqummiussaannut.

Nunaqarfinni sumiluunniit tassanngaannartumik pisoqarsinnaanera ilaatigut takussaasarpoq, inuup ulorianartorsiulersinnaanera assigiinngitsutigut aqqusaaneqarsinnaasarluni tamannalu inuk ilaquariilluunniit pineqartillugit isumaqarpunga inuup ilaquariilluunniit tassanngaannartumik ikiorserneqarsinnaanerat ilaatigut killeqarujussuartartoq.

Pisussaaffigaarput nunaqarfinni tamani sillimaniarnikkut, ikiueqqaarnikkut, annaassiniarnikkut, inuunermillu peqqinnerulernissamik qaammarsaajuassalluta. Nunaqarfinnut annertusaassalluta ilisimalluarpara. Nunaqarfimmi arlaatigut susoqaraangat, imminnut ikioqatigiilluartartut ilisimavarput, kisiannili tassanngaannartumik pisoqaraangat saaffissaasuanerit, ikiortsissaasuanerit, nalorninerillu ilaatigut aqqusaaneqartarput. Taamaammat pikkorissaasarnertit annertusarneqartuarnissaat avaqqunneqarsinnaanngilaq. Annertuumik pisoqarsimagaangat peqqinnissaqarfik siammasissumik suliaqartartuusoq avaqqunneqarsinnaanani.

Naalackersuisut akissutaanni takuneqarsinnaavoq ikiueqqaarnermut pikkorissaasartut kalaallit nunaanni Røde Korsit pikkorissaasarsimasut. Ilanngullugit eqqaaneqarput kommunit upalungaarsimanermit suliaqartoqartartoq. Qularnaartussaavarput tamakkiisumik minitaqaratik nunaqarfiit inoqarfigineqartut ikiueqqaarnermut pikkorissaasoqartalernissaa. Assersuutigisinnavara avannaani tamakkiisumik ikiueqqaarnermut tunngasumik pikkorissaasarnertit akuttusoorujussuummata.

Tassami nunaqarfinni ikiueqqaarnermik piginnaasanik qaffassaajuarnissaq pisariaqartuaannassaaq. Ikiueqqaarnermi isumalerujussuavoq tassanngaanaq pisoqarsimatillugu inuunermik annaasisinnaammat. Ilaatigut piffissaq sivisusinnaammat nakorsat imaluunniit ikiueqqaarnermik misilittagallit takkunnissaannut.

Taamatut oqaaseqarluta siunnersuut taperserparput, ataatsimiititaliami susassaqartumi suliarineqarnisasaa innersuullugu.